

U IME FEDERACIJE BOSNE I HERCEGOVINE

Općinski sud u Visokom, po sudiji Avdiji Avdić uz sudjelovanje zapisničara Sejdić Džemile, u krivičnom predmetu protiv optuženog S.M., I.S. i A.B., zbog krivičnog djela S.M. i I.S. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH, A.B. krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH, Š.I. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH u sticaju sa krivičnim djelom nedozvoljeno držanje oružja ili eksplozivnih materija iz člana 371. stav 1. KZ F BiH, sve u vezi člana 54. KZ F BiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T 04 0 KT 0048969 22 od 03.11.2023.godine, nakon zaključenog glavnog javnog pretresa, održanog dana 18.04.2024.godine u prisustvu Kantonalnog tužitelja Jelene Bošnjak optuženog S. M. i branioca optuženog advokat Mujkić Dajane iz Zenice, optuženog A.B. i branioca optuženog advokata Karamehić Nedima iz Visokog, na pretresu za objavljivanje presude, u odsutnosti obavještenih kantonalnog tužitelja, optuženog I branioca optuženog, dana 19.04.2024.godine, donio je i javno objavio :

PRESUDU

- 1. OPTUŽENI: S.M.**, sin A. i majke J. rođene M., rođen ... godine u A., R.Nj., nastanjen u V. u mjestu B. bb, pismen, sa završenom srednjom školom, po zanimanju autoelektričar, živi u vanbračnoj zajednici, otac dvoje djece, nezaposlen, Bošnjak, državljanin BiH, JMB: ..., osuđivan presudom Općinskog suda u Visokom broj 41 0 K 074445 18 Kps od 26.02.2019. godine za krivično djelo iz člana 239. stav 3. KZ F BiH na kaznu zatvora u trajanju od 2 mjeseca, uvjetno 1 godina i presudom Općinskog suda u Visokom broj 41 0 K 073319 20 K od 02.02.2021. godine za krivično djelo iz člana 238. stav 1. KZ F BiH na kaznu zatvora u trajanju od 1 godine, uvjetno 2 godine, nalazio se u pritvoru po rješenjima Općinskog suda u Visokom broj 41 0 K 093013 22 Kpp od 12.05.2022. godine koji mu je određen od 11.05.2022. godine do 11.06.2022. godine i broj 41 0 K 093013 22 Kv 3 od 24.06.2022. godine koji mu je produžen i trajao je do 11.08.2022. godine, branitelj po službenoj dužnosti Mujkić Dajana, advokat iz Zenice
- 2. A.B.**, sin O. i majke S. rođene H., rođen ... godine u Z., nastanjen u Z. ul.V.B. ... Z. Z., pismen, sa završenom srednjom školom, po zanimanju instalater centralnog grijanja i saobraćajni tehničar, oženjen, otac dvoje djece, zaposlen u S. S. M., Bošnjak, državljanin BiH, JMB: ..., neosuđivan branitelj po službenoj dužnosti Nedim Karamehić, advokat iz Visokog

KRIVI SU

Što su:

- 1. S.M.**

**A)** Dana 17.09.2021. godine, u V., suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, neovlašteno radi dalje prodaje kod sebe držao tri pvc paketića opojne droge „amfetamin“ neto težine 71,644 grama, 1,628 grama i 0,590 grama, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, kao i jednu digitalnu vagu za precizno mjerenje marke „Aosai“, iako je bio svjestan da je držanje i prodaja opojne droge zabranjena, što je i htio, koja droga je pronađena od strane policijskih službenika PS Visoko prilikom pretresa kuće i pratećih objekata koje koristi u mjestu B. bb, po naredbi Općinskog suda u Visokom broj 41 0 K 089706 21 Kpp od 16.09.2021. godine

**B)** Dana 27.01.2022. godine, u V., suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, nakon prethodnog dogovora ostvarenog telefonskim putem sa svog korisničkog broja ... sa P.I., korisnikom broja ..., istome neovlašteno prodao jedan paketić neutvrđene količine opojne droge „amfetamin“, iako je bio svjestan da je držanje i prodaja opojne droge zabranjena, što je i htio, koju drogu je P.I. progutao u trenutku prilaska policijskih službenika prilikom kontrole u ulici M.H.

**C)** Dana 15.03.2022. godine, u V., suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, neovlašteno prodao P.D. za iznos od 10,00 KM jedan pvc paketić opojne droge „amfetamin“ neto težine 1,089 grama, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je držanje i prodaja opojne droge zabranjena, što je i htio, koja droga je pronađena kod P.D. od strane policijskih službenika prilikom kontrole u ulici M.H.

**D)** Dana 24.02.2022. godine, u V., suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, neovlašteno prodao Dž.V. jedan pvc paketić opojne droge „amfetamin“ neto težine 0,065 grama, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je držanje i prodaja opojne droge zabranjena, što je i htio, koju drogu je Dž.V. odbacio od sebe prilikom kontrole od strane policijskih službenika u mjestu V.p.-L.

**E)** Dana 11.05.2022. godine, u V., suprotno odredbama člana 4. stav 1., 2., 3. i 5. i člana 20. Zakona o sprečavanju i suzbijanju zloupotrebe opojnih droga u BiH, neovlašteno radi dalje prodaje kod sebe držao dva pvc paketića opojne droge „amfetamin“ neto težine 9,152 grama i 9,199 grama, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, kao i jednu digitalnu vagu za precizno mjerenje, iako je bio svjestan da je držanje i prodaja opojne droge zabranjena, što je i htio, koja droga mu je pronađena od strane policijskih službenika prilikom pretresa kuće i pratećih objekata koje koristi u mjestu B. broj ..., po naredbi Općinskog suda u Visokom broj 41 0 K 0922881 22 Kpp od 06.05.2022. godine

## **2. A.B.**

- sa još jednim njemu poznatim licem-

Dana 21.12.2021. godine, u V., suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, I.S. neovlašteno prodao C.F. opojnu drogu „amfetamin“ ukupne neto težine 16,003 grama za iznos od 250,00 KM, koja droga je pod rednim brojem 1. liste psihotropnih tvari iz tabele II „Tvari i biljke pod

strogom kontrolom“ proglašena takvom, na način da su prethodno ostvarili telefonsku komunikaciju, a nakon toga I.S. dogovorenu količinu opojne droge istome dostavio putem A.B., iako su bili svjesni da je držanje, posredovanje i prodaja opojne droge zabranjena, što su i htjeli, koja droga je pronađena kod C.F. od strane policijskih službenika PS Visoko prilikom pretresa kuće i pratećih objekata koje koristi u mjestu H. broj ..., po naredbi Općinskog suda u Visokom broj 08-02-09/1-59/21 od 22.12.2021. godine

Čime su počinili i to:

- S.M. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH,
- A.B. krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH,

Pa sud optuženog S.M. na osnovu citiranog zakonskog propisa i na osnovu člana 42. 43 i 49. KZ FBiH,

#### OSUĐUJE

NA KAZNU ZATVORA U TRAJANJU OD 1(JEDNE)GODINE I 6(ŠEST)MJESECI

U koju kaznu se uračunava vrijeme provedeno u pritvoru po rješenjima Općinskog suda u Visokom broj 41 0 K 093013 22 Kpp od 12.05.2022. godine koji mu je određen od 11.05.2022. godine do 11.06.2022. godine i broj 41 0 K 093013 22 Kv 3 od 24.06.2022. godine koji mu je produžen i trajao je do 11.08.2022. godine

Sud optuženom **A.B.** na osnovu citiranog zakonskog propisa i na osnovu člana 42. 49., i 62. KZ FBiH ,izriče

#### UVJETNU OSUDU

Kojom se optuženom A.B., utvrđuje kaznu zatvora u trajanju od 1(jedne)godine, koja kazna se neće izvršiti ako optuženi u roku od 2(dvije)godine ne počini novo krivično djelo.

Na osnovu člana 78. i 238. stav 4. KZ F BiH optuženom S.M. se izriče mjera sigurnosti oduzimanje predmeta i to:- opojnu drogu „amfetamin“ u količini od 71,574 grama, 1,594 grama, 0,563 grama, 9,152 grama i 9,199 grama, koja će se uništiti pred Povjerenstvom za uništenje oduzetih opojnih droga, psihotropnih tvari, biljaka iz kojih se mogu dobiti opojne droge i prekursora posredstvom MUP-a ZDK Zenica .

- Na osnovu člana 78. i 238. stav 4. KZ F BiH optuženom A.B. se izriče mjera sigurnosti oduzimanje predmeta i to:- mobilni telefonski aparat marke „Samsung“ model SM-A305F, sa brojem IMEI1: ... i IMEI2:... sa SIM karticom pretplatničkog serijskog broja: ... i korisničkog broja +...;trajno.

Na osnovu člana 202. stav 4. ZKP FBiH, optuženi S.M. I A.B. se oslobađaju plaćanja troškova krivičnog postupka i isti padaju na teret sredstava suda.

Obrazloženje

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T 04 0 KT 0048969 22 od 03.11.2023.godine , optužilo je S.M., I.S.i A.B., zbog krivičnog djela S.M. i I.S.produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH,A.B. krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH, Š.I. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH u sticaju sa krivičnim djelom nedozvoljeno držanje oružja ili eksplozivnih materija iz člana 371. stav 1. KZ F BiH, sve u vezi člana 54. KZ F BiH, (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH).

Optužnica je potvrđena od strane sudije za prethodno saslušanje ovog suda dana : 09.11.2023.godine . Dana 12.02.2024.godine na ročištu o izjašnjenju o krivnji, optuženi S.M. i A.B. . Dana 30.01.2024.godine na ročištu o izjašnjenju o krivnji, optuženi I.S. i Š.I. su izjavili da nisu krivi za krivično djelo koje im se stavlja na teret.

Na glavnom pretresu održanom 18.04.2024.godine prije izvođenja dokaza, optuženi S.M. priznao je krivnju za krivično djelo produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH.A optuženi B.A. je sa Kantonalnim tužilaštvom sklopio Sporazum o priznanju krivnje broj T 04 0 KT 0048969 22 od 27.03.2024.g., koji je uložen u sudski spis na glavnom pretresu održanom dana 18.04.2024.godine.

Sud je donio Rješenje o razdvajanju postupka , na način da će se u odnosu optuženog S.M. i A.B. postupak voditi i završiti pod ovim brojem, a u odnosu na optužene I.S. i Š.I., otvoriti će se novi K broj i postupak završiti pod tim brojem i predmet dodijeliti drugom sudiji

Sud je priznanje optuženog S.M. i sporazum o priznanju krivnje optuženog A.B. prihvatio, a njihovo priznanje je prema ocjeni ovog suda u saglasnosti sa dokazima u koje je sud izvršio uvid i to:

-za optuženog A.B.

- naredbu Općinskog suda u Visokom broj 08-02-09/1-59/21 od 22.12.2021. godine, potvrdu o privremenom oduzimanju predmeta PS Visoko broj 08-02-09/1-203/21 od 22.12.2021. godine na ime C.F., transkripte razgovora „MrežaA4 73-1“ između I.S. i A.B. broj 21, 23, 24, 25 (broj veze sažetak 330, 333, 335, 340) i između I.S. i C.F. broj 22, (broj veze sažetak 332), naredbu Općinskog suda u Visokom broj 41 0 K 092892 22 Kpp od 06.05.2022. godine, potvrdu o privremenom oduzimanju predmeta MUP ZDK, Uprava policije Zenica broj 113/08-02-03/5-25/22 od 11.05.2022. godine na ime A.B., zapisnik o pretresanju pokretnih stvari MUP ZDK, Uprava policije Zenica broj 08-02-03/5-26/22 od 11.05.2022. godine, naredbu za vještačenje KT ZDK broj T04 0 KT 0048969 22 od 03.06.2022. godine, nalaz i mišljenje ispitivanja nepoznate materije FUP Sarajevo, Centar za forenzička ispitivanja, vještačenja i istraživanja broj 09-18/2-03-5-41 od 14.02.2022. godine, nalaz vještačenja mobilnih telefona MUP ZDK, Uprava policije Zenica, Odsjek za kriminalističku tehniku i KDZ broj 08-02-03/3-03-2-5129-1/22 od 12.12.2022. godine sa USB stikom,fotodokumentaciju PS Kakanj broj 08-02-09/2-SL/2022 od 30.06.2022. godine i izvod iz kaznene evidencije za osumnjičenog A.B. PU I Zenica od 21.02.2022. godine.

- za optuženog S.M. i to:

naredbu Općinskog suda u Visokom broj 41 0 K 089706 21 Kpp od 16.09.2021. godine, zapisnik o pretresanju stana, drugih prostorija i pokretnih stvari PS Visoko broj 08-02-09/1-39/21 od 17.09.2021. godine, potvrdu o privremenom oduzimanju predmeta PS Visoko broj 08-02-09/1-139/21 od 17.09.2021. godine na ime A.S., naredbu za vještačenje KT ZDK broj T04 0 KTA 0046601 21 od 28.09.2021. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-274-1/21 od 22.11.2021. godine, Nalaz i mišljenje hemijskog vještačenje FUP Sarajevo broj 09-18/2-03-5-2046 od 23.04.2022.godine, fotodokumentaciju PS Visoko broj 08-02-09/1-274/21 od 06.12.2021. godine i fotodokumentaciju PS Visoko broj 08-02-09/1-274-1/21 od 22.02.2022. godine. Zapisnik o saslušanju svjedoka P.I., sin N. iz V., T. bb, MUP ZDK Uprava policije broj 08-02-03/3-11/22 od 30.05.2022.godine, transkripte razgovora „MrežaA4 64-4“ između S.M. i P.I. broj 28 i 29 (broj veze sažeci: 1185 i 1186). C) zapisnik o saslušanju svjedoka P.D., MUP ZDK Uprav apolicije broj 08-02-03/3-07/22 od 25.05.2022.godine, uvid u potvrdu o privremenom oduzimanju predmeta PS Visoko broj 08-02-09/1-55/22 od 15.03.2022. godine na ime P.D.. D) zapisnik o saslušanju svjedoka Dž.V. MUP ZDK Uprava policije broj 08-02-03/3-06/22 od 25.05.2022.godine, uvid u: zapisnik o uviđaju PS Visoko broj 08-02-09/1-65/22 od 24.02.2022. godine, transkripte razgovora „MrežaA4 64-4“ između S.M. i P.I. broj 71 (broj veze sažetak 1486). uvid u: naredbu Općinskog suda u Visokom broj 41 0 K 092881 22 Kpp od 06.05.2022. godine, potvrdu o privremenom oduzimanju predmeta MUP ZDK, Uprava policije Zenica broj 89/08-02-03/1-24/22 od 11.05.2022. godine na ime S.M., zapisnik o pretresanju stana, drugih prostorija i pokretnih stvari MUP ZDK, Uprava policije Zenica broj 08-02-03/1-28/22 od 11.05.2022. godine, zapisnik o otvaranju i pregledu privremeno oduzetih predmeta i dokumentacije MUP ZDK, Uprava policije Zenica broj 08-02-03/32/22 od 11.05.2022. godine, naredba za vještačenje KT ZDK broj T04 0 KT 0048969 22 od 20.05.2022. godine, -nalaz i mišljenje hemijskog vještećenja FUP Sarajevo broj 09-18/2-03-5-905 od 19.8.2022.g.,-nalaz i mišljenje hemijskog vještećenja FUP Sarajevo broj 09-18/2-03-5-752 od 16.05.2022.g.,-nalaz i mišljenje hemijskog vještećenja FUP Sarajevo broj 09-18/2-03-5-1102 od 13.06.2022.g.,-fotodokumentaciju MUP ZDK, Uprava policije Zenica broj 08-02-03/6-109F/22 od 30.05.2022. godine, fotodokumentaciju MUP ZDK, Uprava policije Zenica broj 08-02-03/6-114F/22 od 30.05.2022. godine i izvod iz kaznene evidencije za osumnjičenog S.M. PS Visoko broj 08-02-09/1-03-10-4-2855-1/23 od 20.06.2023. godine.

Branitelj optuženog S.M., advokat Dajana Mujkić izjavila je imajući u vidu kvanitet i građu dokaza optužbe, priznanje krivnje u ranoj fazi postupka se ima smatrati znatno olakšavajućom okolnosti, jer je na taj način optuženi s jedne strane doprinio efikasnijem i ekonomičnijem vođenju krivičnog postupka, a s druge strane pokazao da je svjestan nedopustivosti svog ponašanja, te da se suočio s vlastitom odgovornošću. Optuženi je lošeg imovnog stanja, invalid sa 90% oštećenja organizma, oženjen otac dvoje mladb. djece, te usljed vaspitnog djelovanja pritvor, a i samog krivičnog postupka isti se u potpunosti okrenuo porodici. Imajući u vidu sve prethodno navedeno kao i protek vremena od počinjenja krivičnog djela odbrana predlaže da se optuženom izrekne kazna zatvora u trajanju do maksimalno 18 mjeseci sa kojom kaznom će se ostvariti kako posebna, tako i opća svrha kažnjavanja.

Optuženi S.M. izjavio da se kaje za izvršeno djelo i pridružio se završnoj riječi svog branioca, te obećao sudu da se to više neće ponoviti.

Sud je ovo priznanje krivnje optuženih ocijenio kao jasno, iskreno i nedvosmisleno ničim uslovljeno tako da je priznanje optuženih u saglasnosti sa materijalnim dokazima, naprijed navedenim, u koje je sud izvršio uvid, na osnovu čega van svake sumnje proističe da su optuženi ostvarili sva bitna obilježja bića krivičnog djela koje im se stavlja na teret S.M.

produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH, A.B. krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.

Po ocjeni suda optuženi su navedeno predmetno krivično djelo učinili sa direktnim umišljajem jer su bili svjesni svog djela i htjeli njegovo izvršenje, a sud je utvrdio da su optuženi prilikom izvršenja krivičnog djela bili računljivi, jer predloženim dokazima nije dovedena u sumnju mogućnost optuženih da shvate značaj svog djela i da upravljaju svojim postupcima u vrijeme izvršenja djela, te su se u njegovim radnjama stekla sva bitna obilježja bića krivičnog djela S.M. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH, A.B. krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH,

Prilikom izricanja krivično pravne sankcije sud je cijenio optuženim S.M. i A.B.u kao olakšavajuće okolnosti činjenicu da su priznali izvršenje krivičnog djela koje im se stavlja na teret, čime su u mnogome doprinjeli utvrđivanju činjeničnog stanja i skraćanju krivičnog postupka, kao i okolnosti koje su optuženi naveli u svom iskazu prilikom priznanja krivnje, te činjenicu da optuženi A.B. do sada nije osuđivani. Dok je od otežavajućih okolnosti sud uzeo u obzir samu prirodu i vrstu krivičnih djela koja im se stave na teret. Cijeneći utvrđene okolnosti na strani optuženih, sud je optuženog S.M. na osnovu citiranog zakonskog propisa i na osnovu člana 42. 43 i 49. KZ FBiH, osudio na kaznu zatvora u trajanju od 1 (jedne) godine i šest mjeseci u koju kaznu se računa vrijeme provedeno u pritvoru po rješenjima Općinskog suda u Visokom broj 41 0 K 093013 22 Kpp od 12.05.2022. godine koji mu je određen od 11.05.2022. godine do 11.06.2022. godine i broj 41 0 K 093013 22 Kv 3 od 24.06.2022. godine koji mu je produžen i trajao je do 11.08.2022. godine

Optuženom A.B. na osnovu citiranog zakonskog propisa i na osnovu člana 42. 49., i 62. KZ FBiH prihvatio sporazum o priznanju krivnje i izrekao uvjetnu osudu kojom se optuženom A.B.u, utvrđuje kaznu zatvora u trajanju od 1(jedne)godine, koja kazna se neće izvršiti ako optuženi u roku od 2(dvije)godine ne počini novo krivično djelo.

Po mišljenju ovog suda izrečena sankcija srazmjerna je stepenu odgovornosti optuženih i težini počinjenih krivičnih djela koja im se stave na teret, te će se istom postići svrha kažnjavanja, kako sa aspekta generalne, tako i specijalne prevencije predviđena članom 42. KZ FBiH.

Na osnovu člana 78. i 238. stav 4. KZ F BiH optuženom S.M. je izrečena mjera sigurnosti oduzimanje predmeta i to:- opojnu drogu „amfetamin“ u količini od 71,574 grama, 1,594 grama, 0,563 grama, 9,152 grama i 9,199 grama, koja će se uništiti pred Povjerenstvom za uništenje oduzetih opojnih droga, psihotropnih tvari, biljaka iz kojih se mogu dobiti opojne droge i prekursora posredstvom MUP-a ZDK Zenica .

- Na osnovu člana 78. i 238. stav 4. KZ F BiH optuženom A.B. je izrečena mjera sigurnosti oduzimanje predmeta i to:- mobilni telefonski aparat marke „Samsung“ model SM-A305F, sa brojem IMEI1: ... i IMEI2:... sa SIM karticom pretplatničkog serijskog broja: ... i korisničkog broja +...;trajno.

Na osnovu člana 202. stav 4. ZKP FBiH sud je optužene S.M. i A.B.a oslobodio plaćanja troškova krivičnog postupka i isti padaju na teret sredstava suda jer bi plaćanjem troškova bila dovedena u pitanje njihova materijalna egzistencija.

Sudija  
Avdija Avdić

**PRAVNA POUKA:**

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.